

Na osnovu čl. 43. 59. i 65. Statuta Nogometnog kluba „Čelik“ Zenica (u daljem tekstu: NK ČELIK) - broj: 002-S/21 od 23.07.2021. godine, a u vezi sa objavom na web stranici NK ČELIK o određivanju termina sjednice Skupštine od 19.06.2024. godine, Nadzorni odbor saziva 4. redovnu sjednicu Skupštine NK ČELIK, te upućuje

P O Z I V

Članovima NK ČELIK za podnošenje prijave za učešće na 4. redovnoj sjednici Skupštine NK ČELIK (koja će imati karakter Izborne skupštine) koja će se održati dana 22.07.2024. godine (ponedjeljak) sa početkom u 19:00 h u prostorijama Bosanskog narodnog pozorišta Zenica.

Napomena:

- Prijavu za učešće na sjednici Skupštine članovi podnose Tehničkom odboru Skupštine najkasnije tri dana prije održavanja sjednice, putem pošte, direktno u prostorije Kluba ili elektronskim putem. Prijava mora sadržavati ime i prezime, kao i napomenu da se vrši prijava za učešće na sjednici Skupštine.
- Pravo učešća (sa pravom glasa) na sjednici Skupštine imaju članovi Skupštine koji imaju status članstva minimalno 6 mjeseci prije dana održavanja sjednice (član 38. u vezi sa članom 19. Statuta).

Za 4. redovnu sjednicu Skupštine, Nadzorni odbor predlaže sljedeći:

DNEVNI RED

1. Otvaranje sjednice, utvrđivanje kvoruma i izbor Radnog predsjedništva Skupštine,
2. Usvajanje konačnog dnevnog reda,
3. Usvajanje zapisnika sa 3. redovne sjednice Skupštine održane dana 18.02.2024. godine,
4. Izbor Predsjednika i članova Upravnog odbora,
5. Izbor članova Nadzornog odbora,
6. Izbor članova Tehničkog odbora,
7. Izbor članova Statutarne komisije,
8. Razno.

Ostale tačke dnevnog reda mogu predložiti članovi Kluba uz sljedeću proceduru propisanu članom 23. u vezi sa članom 45. st. 2-4. Statuta NK ČELIK:

- Minimalno 5% članova Kluba (uz potpise) mogu podnijeti zahtjev sa predloženom tačkom dnevnog reda Upravnom odboru Kluba najmanje 20 dana prije dana održavanja sjednice. Upravni odbor odlučuje da li će predloženi zahtjev (tačka dnevnog reda) biti uvrštena na sjednicu Skupštine. U slučaju odbijanja zahtjeva, Upravni odbor najmanje 10 dana prije dana sjednice, dužan je obavijestiti podnosioca zahtjeva. Odbijeni zahtjev može biti uvršten u dnevni red, ako za njega glasa 2/3 članova Skupštine na početku sjednice prilikom utvrđivanja konačnog dnevnog reda. Izuzetno, Nadzorni odbor može predložiti tačku dnevnog reda na samoj sjednici.

Predsjednik Nadzornog odbora